

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-24-000507-13
Banovići, 29.10.2024. godine

Na osnovu člana 64. stav 1. tačka b., člana 70. stav 1., 3., i 6., člana 72. stav 3. tačka a) i člana 89. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 16. Pravilnika o javnim nabavkama roba, usluga i radova u Općinskom sudu u Banovićima broj: 127-0-Su-24-23-000133 od 15.02.2023. godine i Preporuke Komisije za javnu nabavku broj: 127-0-Su-24-000507-12 od 28.10.2024. godine u postupku javne nabavke roba „Računari“, predsjednica Općinskog suda u Banovićima *donosi*

O D L U K U

o izboru najpovoljnijeg drugorangiranog ponuđača za nabavku roba „Računari“

Član 1.

Stavlja se van snage Odluka o izboru najpovoljnijeg ponuđača za nabavku roba „Računari“ kojom je izabran ponuđač „Emado“ d.o.o. Sarajevo, sa sjedištem u ulici Azize Šaćirbegović 112, 71000 Sarajevo, nakon provedene e-aukcije, za ponuđenu cijenu od 8.520,00 KM bez PDV-a.

Član 2.

Prihvata se preporuka Komisije za javne nabavke broj: 127-0-Su-24-000507-12 od 28.10.2024. godine o izboru drugorangiranog ponuđača Preduzetnička radnja „Media market“ vlasnik s.p. Tribulin Dejan Prijedor, kao drugog najpovoljnijeg ponuđača sa sjedištem u ulici Miloša Obrenovića b.b., 79101 Prijedor, i istom ponudi zaključenje ugovora po ponudi broj: 57/24 od 02.10.2024. godine i nakon provedene e-aukcije za ponuđenu cijenu od 8.544,00 KM bez PDV-a.

Član 3.

Izabrani ponuđač se obavezuje da prije potpisivanja ugovora a najkasnije u roku od 5 dana od dana zaprimanja obavještenja o rezultatima postupka javne nabavke ugovornom organu dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav 1. tačke a) do d) Zakona o javnim nabavkama.

Član 4.

U slučaju da izabrani ponuđač propusti dostaviti dokaze iz prethodnog stava u predviđenom roku ili dostavi neprihvatljive dokaze, ova odluka će se poništiti.

Član 5.

Prijedlog Ugovora za predmetnu nabavku u ukupnom iznosu od 8.544,00 KM bez PDV-a, sačinjit će Komisija za javne nabavke, a u skladu sa važećom zakonskom regulativom i izabranom ponudom, te će se dostaviti na potpis izabranom ponuđaču iz člana 2. Odluke nakon dostavljanja potrebne dokumentacije, a po konačnosti ove Odluke.

Član 6.

Ova Odluka stupa na snagu danom donošenja i objavit će se na web stranici Općinskog suda u Banovićima.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 127-0-Su-24-000507 od 17.09.2024. godine.

Javna nabavka je provedena po postupku- Konkurentski zahtjev za dostavljanje ponuda-tenderska dokumentacija, broj: 127-0-Su-24-000507-2 od 26.09.2024. godine. Obavještenje o nabavci je objavljeno na Portalu javnih nabavki, obavještenje o nabavci broj: 462-7-1-8-3-2/24 od 26.09.2024. godine.

Procijenjena vrijednost ukupne javne nabavke roba „Računari“ za potrebe Općinskog suda u Banovićima bez uračunatog PDV-a iznosi 8.545,00 KM.

Komisija za javnu nabavku imenovana Rješenjem predsjednice Općinskog suda u Banovićima broj: 127-0-Su-24-000507-1 od 17.09.2024. godine, dostavila je Zapisnik o otvaranju ponuda broj: 127-0-Su-24-000507-5 od 08.10.2024. godine, Zapisnik o pregledu i ocjeni ponuda broj: 127-0-Su-24-000507-6 od 08.10.2024. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj prispjelih ponuda: 4 (četiri) ponude,
- da je broj blagovremeno zaprimljenih ponuda: 4 (četiri) ponude,
- da nema neblagovremeno zaprimljenih ponuda,
- da je ukupan broj prihvatljivih ponuda: 2 (dvije) ponude.

U skladu sa tenderskom dokumentacijom zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23). E-aukcija je zakazana je bila za dan 11.10.2024. godine sa vremenom početka u 14,00 sati i predviđenim trajanjem od 15 minuta.

Nakon okončane e-aukcije koja je trajala u vremenskom periodu od 14:00:00 sati do 14:15:00 sati, a u skladu sa Izvještajem o toku i završetku e-aukcije, Komisija je utvrdila konačnu rang listu ponuđača koji su učestvovali u e-aukciji po kriteriju najniže cijene iz tenderske dokumentacije, kako slijedi:

Redni broj	Redni broj ponude prema prspjeću i firma ponuđača	Ukupna ponuđena cijena sa popustom (bez PDV-a)	Procenat umanjenja ukupne ponuđene cijene sa popustom (bez PDV-a) nakon završene e-aukcije
1.	„Emado“ d.o.o. Sarajevo	8.520,00 KM	0%
2.	Preduzetnička radnja „Media market“ vlasnik s.p. Tribulin Dejan Prijedor	8.544,00 KM	0%

U postupku je utvrđeno da je Komisija u svemu pravilno postupala, te da je preporuka za izbor najpovoljnijeg ponuđača data u skladu sa Zakonom o javnim

nabavkama BiH, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocjenjen zbog „najniže cijene“ nakon održane e-aukcije, kao u konačnoj rang listi ponuđača koji su učestvovali u e-aukciji.

U skladu sa navedenim donesena je Odluka o izboru najpovoljnijeg ponuđača u postupku javne nabavke roba- „Računari“, kojom je izabran ponuđač „Emado“ d.o.o. Sarajevo, a koja je dostavljena svim ponuđačima koji su učestvovali u predmetnoj nabavci dana 16.10.2024. godine.

Uvidom u predmet utvrđeno je da je izabrani ponuđač „Emado“ d.o.o. Sarajevo propustio dostaviti dokaze o kvalifikovanosti u pogledu lične sposobnosti u roku koji je određen u tenderskoj dokumentaciji, te su se time stekli uvjeti iz člana 72. stav 3. tačka a) Zakona o javnim nabavkama za dodjelu ugovora drugorangiranom najpovoljnijem ponuđaču, slijedom čega je Komisija dala preporuku predsjednici suda o izboru drugorangiranog ponuđača Preduzetnička radnja „Media market“ vlasnik s.p. Tribulin Dejan Prijedor, kao drugog najpovoljnijeg ponuđača sa sjedištem u ulici Miloša Obrenovića b.b., 79101 Prijedor, i istom ponudi zaključenje ugovora po ponudi broj: 57/24 od 02.10.2024. godine i nakon sprovedene e-aukcije za ponuđenu cijenu od 8.544,00 KM bez PDV-a.

Prema zapisniku o pregledu i ocjeni ponuda broj: 127-0-Su-24-000507-6 od 08.10.2024. godine, drugorangirani ponuđač je Preduzetnička radnja „Media market“ vlasnik s.p. Tribulin Dejan Prijedor, kao i prema izvještaju o toku i završetku e-aukcije održane dan 11.10.2024. godine.

Primjenom člana 72. stav 3. tačka a) Zakona o javnim nabavkama, Komisija je predložila prihvatanje ponude, te shodno članu 70. Zakona o javnim nabavkama, donošenje Odluke o izboru drugorangiranog ponuđača Preduzetnička radnja „Media market“ vlasnik s.p. Tribulin Dejan Prijedor za javnu nabavku roba „Računari“ sa ukupnom cijenom ponude i nakon provedene e -aukcije u iznosu od 8.544,00 KM bez PDV-a.

Iz naprijed navedenih razloga, primjenom člana 64. stav 1. tačka b) i člana 72. stav 3. tačka a) Zakona o javnim nabavkama odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem Ugovornog organa u roku od 5 dana od dana prijema Odluke. Žalba se dostavlja u dovoljnom broju primjeraka u pisanoj formi direktno ili preporučenom pošiljkom na adresu Općinskog suda u Banovićima, ulica Alije Izetbegovića bb, 75290 Banovići.

DOSTAVLJENO:

- Ponuđačima
- Su, a/a

